



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Eisdem.

urn:nbn:de:hbz:466:1-20020

remitatis eandem ad nos sufficienter instruētam, præfigentes partibus terminum competentem quo nostro se conspectui re-prefarente sententiam dante Domino receptura. Ne verò per excogitatum malitiam, sicut ex quibusdam præsumptionibus pluribus videbatur, effectum sententia in-damnum Episcopi contingere impeditur, neve monasterium per executionem sen-tentia propter ipsas suspiciones incurret detrimentum, nos æquitate pensata ita du-ximus providendum, ut ante omnia supra-dicta sententia à nobis prolatæ per vos exe-cutioni mandetur. Quocirca fraternitati vestre per apostolica scripta mandamus quatinus sententiam ipsam sublato appella-tionis obstaculo executioni mandantes, faciatis eandem inviolabiliter observari, contradictores per censuram ecclesiasti-cam compescentes. Quod si non ambo his exequendis potueritis interesse, alter ve-trum ea nihilominus exequatur. Datum Laterani VIII. Kalen. Maij, pontificatus nostri anno tertiodecimo.

ZAMORENSI EPISCOPO,
et magistris Mauricio Archidiacono To-
letano & Michaeli Canonico Segobiensi.

Epiſt. 60.
De cedēre re.
Cap. Sullicitatā.
De in iust. refi-
tare.

Vſcitata super diversis articulis &c. in eundem modum ut in alia per totum usque duximus indulgandam. Quocirca præfen-tium vobis auctoritate mandamus quatinus recipiatis testes quos pars monasterij ad probandam præscriptionem legitimam &c. ut in alia usque à nobis prolatæ sublato appellationis obstaculo executioni mandetur, cuius executionem tibi, frater Zamorensis, & venerabili fratri nostro Legionensi Episcopo duximus committendam. Volumus nihilominus & mandamus ut ab Episcopo recipiatis idoneam cautionem quod si monasterium in causa ipsa per sententiam pra-valuerit, uniuersa quæ medio tempore ipsius sententia occasione percepit monas-terio restitutæ memorato. Quod si non omnes &c. duo vestrum ea &c. Datum ut in alia per totum.

E I S D E M.

Epiſt. 61.
De negotio Ca-
pellæ S. Ma-
riae de caſtro
Sorii.

Vm in causa quæ inter Burgensem Ecclesiam & Clericos sanctæ Mariae de caſtro Soris super quibusdam Ecclesias & rebus aliis veritut, ad dilectum filium Abbatem de Retorta & Priorem de Cor-rubii fuerint à ſede apostolica litteræ im-pe-tratae, ipſi reputantes venerabilem fra-trem nostrum Burgensem Episcopum con-tumacem, in rerum petitarum poſſeſſio-

nem cauſa rei ſervandæ partem induxerunt adverſam. Verū cum ſuper corundem proceſſu, quem memoratus Episcopus, utpote poſt appellationem ad nos legitime interpoſitam attentatum, revocari pete-bat, inter ipsum & . . parti adverſa pro-curatorem fuſſet in noſtra preſentia diu-ni litigatum, taliter fuit demum à nobis de ipſorum voluntate proviſum, ut tam ſuper dictarum rerum omnium poſſeſſione quād etiam fructibus, quoſ nunc poſſeſſe dicti Clerici reſtituere, præfato Episcopo reſtitutis, de reſtituendis aliis, quam cirō ſe facultas obtulerit, idoneam exponant dicti Clerici cautionem; ad quod eos, ſi neceſſe fuerit, per vos volumus & manda-mus, appellatione remota, ecclæſiaſta cenzura compelli. Poſtmodum autem Epis-copus petiit coram nobis ut Clericos ejusdem Eccleſiæ, qui poſt interdicti ab eodem Episcopo & excommunicationis ſen-tentias à Palentino electo & ſuis conju-dicibus delegatis à nobis propter eorum con-tumaciam rationabiliter promulgatas di-va præſumperferant officia celebrare prefa-tis ſententis vilipenſis, poena dignaremur canonica caſtigare, ac quorundam eorum corpora faceremus de cimiterio ecclæſia-tico exhumari, que interim fuerant tu-mulata. Procurator verò prædictus tam ſuper libertate liberè ſibi eligendi prela-tum quād etiam ſuper tertius ipſius Eccleſiæ, medietate domorum, molendinorum, vinearum, terrarum, & hortorum ad ipſam Eccleſiam in eodem caſtro ſpectan-tium, & Eccleſiarum ac terrarum ejusdem caſtri & circumadiacentium heremitarum, item sancti Nicolai, sancti Dominici, sanctæ Cæciliae, sancti Iacobini, sancti Stephani, sancti Iohannis, sancti Michaelis, & sanctæ Eulaliae Eccleſiarum & heremitarum circumadiacentium eis, rurſum sancti Michaelis de Tavanera, sancti Stephani de Caſtnello, sanctæ Mariæ de Villaſilos, sancti Martini & sancti Andreæ Eccleſiarum, cum adjacentibus eis heremitoris universis, terrarum quoque ac vinearum & molendinorum medietatis & de Arnelas & de Palatios & de Fitero Eccleſiarum, necnon & de Pontefitero, & de Fencioſa, & Villa viridis, & de Alcobella, & sancti Cypriani Eccleſiarum, ac heremitarum omnium circumadiacentium eis, procu-rationum quoque & obedientiarum & in-terdictorum de Valbonella, de Fonte Le-fina, & de Valvinchera, & de Valvas Ec-cleſiarum, & medietatis de ſolaribus, hor-tis, terris, vineis, molendinis Eccleſiarum

de villa Serigo, & circumadjacentium heremitorum, de Villimara & de Villaquiran Ecclesiarum, terrarum & vinearum Ecclesia de Valdemoro, cum adjacentibus eis heremitoris universis, de Quintanella quoque & de Fontan, de Castellanos & de Villa Aios Ecclesiarum, mediatis insuper de solaribus, terris, hortis, vineis, & molendinis Ecclesie de Fanos, & de Fenestrosa, cum heremitorio, & de Pedroso, cum circumadjacentibus heremitoris sancte Eugenia & sancti Iohannis de Pifverga Ecclesiarum, ac instituendi Praelatos & Archipresbyteros in eisdem, & hereditatis cuiusdam apud Ormaza restitucionem humiliter postulavit. Petuit quoque ut quafdam res mobiles, scilicet thuribulum & scyphum argentea, mulam & mulum, centum oves, & tria juga boum cum apparatibus suis, duodecim porcos, & sex modios panis, dolium vini, gallinarum quoque & anserum, ac valentiam annonarum quae praedictus Burgensis Episcopus per tres menses in quindecim equitaturis expendit, tapeta duo, linteamina tria, & totidem pulvinaria, mantas tres, culcitrana unam, mantilia quatuor, fogam carralem de corio, ferrum caldararum, acetrum, tres aczados, totidem aczadas, quatuor cistas scutellis plenas, quatuor fulchra, & auricularia tria, cooperitorum unum, necnon & lectum de corio, cuppam de Villa Aios ad villam de Silos tunc temporis deportatam, duas cuppas alias de civitate Burgensi ablatas, & aliam venditam in Lavis, scamna tria, carrum ferratum, quibus omnibus pars sua spoliata fuerat, ei restitui mandaremus. Adjecit insuper quod Burgensis Episcopus claves Sacraria abstulit violenter, codicemque privilegiorum ablatum non reddidit donec ea qua contra ipsum & suam Ecclesiam in eo continebantur abrasit; quædam nihilominus detinens qua delegati à nobis judices sub excommunicatione poena restitui præcepérunt. Quæ omnia sibi procurator praedictus cum fructibus perceptis ex eis restitu postulabat, & super his satisfactionem sibi congruam exhiberi. Lite igitur coram nobis super præmissis legitimè contestata, quia super utrinque propositis nobis non potuit fieri plena fides, causam ipsam de iporum Episcopi & procuratoris affensu vobis duximus committendam, per apostolica vobis scripta mandantes quatinus absolutis clericis ejusdem Ecclesiae ad cautelam, audiatis causam, & eandem, si de partium voluntate processerit, appellatio-

ne remota fine debito terminetis, facientes quod decreveritis per censuram ecclesiasticam firmiter observari. Alioquin ipsam sufficienter instruam ad nostram presentiam remittat, præfigentes partibus terminum competentem quo se nostro conspectu representent justam auctore Domino sententiam recepturæ. Testes autem qui ab utraque parte fuerint nominati, si se gratia, odio, vel timore subtraxerint, per censuram eandem appellatione remota cogatis veritati testimonium perhibere. Nullis litteris obstantibus preter assensum partium à sede apostolica imperatratis. Quod si non omnes his exequendas &c. duo vescrum ea nihilominus exequantur. Datum Romæ apud sanctum Petrum quarto Kal. Maij, anno tertiodecimo.

E I S D E M.

Burgensi Capitulo dudum ad nos suam querimoniam destinante quod monasterium sancti Iohannis de Ortega ad tegam. Burensem Ecclesiam pertinebat, cui G. Martini sacerdos & quidam alij debitam recusabant obedientiam exhibere, violenter ipsum monasterium detinentes, nos bona memorie Episcopo & dilectis filiis Archidiacono & Thesaurario Palentinis commisimus causam ipsam. Coram quibus P. Iohannis Burgensis Ecclesie procurator contra Petrum Bartholomai, Petrum Iohannis, Dominicum Martini, Iohannem & Gundifaluum, singulariter videlicet contra quemlibet, suam exercuit quætionem; & possefforum judicium intendendo, proposuit ab eisdem violentiam Burgeni Ecclesie fuisse illatam, restitucionem portionis unius Canonici petens à quolibet praedictorum; postulans nihilominus ut expellerentur à monasterio memorato, utpote violenter intrusi, & propter inobedientiae vitium poena canonica punirentur. E contrâ praedicti Canonici prorsus inficiantes se aliquam Burgensi Ecclesie violentiam intulisse aut extitisse inobedientes eidem aliquatenus vel rebelles, dixerunt quod cum essent Canonici regulares, nihil penitus possidere poterant vel agere seu etiam respondere abique sui Prioris licentia & mandato. Adjecerunt insuper quod cum divisæ non essent in præfata sancti Iohannis Ecclesia portiones, ipsi, cum nihil certum penitus possiderent, etiam si essent Clerici seculares, ad restituendam aliquam portionem non poterant condemnari, nec à præfata Ecclesia predicta occasione depelli. Iudices vero

Epist. 61.
De causa monasterij de Ortega.